

BOSNA I HERCEGOVINA

Brčko distrikt BiH

SKUPŠTINA

BRČKO DISTRIKTA BiH



БОСНА И ХЕРЦЕГОВИНА

Брчко дистрикт БиХ

СКУПШТИНА

БРЧКО ДИСТРИКТА БиХ

Mladena Maglova 2, 76100 Brčko distrikt BiH, telefon i faks: 049/215-516

Младена Маглова 2, 76100 Брчко дистрикт БиХ, тел. и факс: 049/215-516

Na osnovu člana 22 Statuta Brčko distrikta Bosne i Hercegovine – prečišćeni tekst (Službeni glasnik Brčko distrikta Bosne i Hercegovine, broj 2/10), Skupština Brčko distrikta Bosne i Hercegovine na 69. redovnoj sjednici održanoj 28. oktobra 2020. godine, usvaja

ZAKON
O IZMJENAMA I DOPUNAMA
ZAKONA O POLICIJI
BRČKO DISTRIKTA BOSNE I HERCEGOVINE

Član 1

U Zakonu o Policiji Brčko distrikta Bosne i Hercegovine (Službeni glasnik Brčko distrikta Bosne i Hercegovine, broj 18/20 – prečišćeni tekst) u članu 21 iza stava 6 dodaju se novi stavovi 7 i 8 koji glase:

(7) Šef Policije ima jednog pomoćnika.

(8) Pomoćnik šefa Policije za svoj rad odgovara šefu Policije.

Član 2

Iza člana 21 dodaje se novi član 21a koji glasi:

„Član 21a

(Glavni savjetnik šefa Policije)

(1) Šef Policije može imati najviše tri glavna savjetnika, koje imenuje na osnovu profesionalnih kriterija i razrješava radi neizvršavanja poslova utvrđenih Pravilnikom o unutrašnjoj organizaciji.

(2) Glavni savjetnik ne može, u vrijeme imenovanja, biti zaposlen na bilo kojem drugom radnom mjestu.

(3) Mandat glavnog savjetnika vezan je za mandat šefa Policije koji ga je imenovao.

(4) Glavni savjetnik nema izvršna ovlaštenja.“

Član 3

U članu 22 stavu 1 tačka w) mijenja se i glasi:

w) imenuje i razrješava glavnog savjetnika;.

Dosadašnje tačke w), x), y) i z) postaju tačke x), y), z) i aa).

Član 4

Iza člana 23 dodaje se novi član 23a koji glasi:

„Član 23a

(Nadležnosti pomoćnika šefa Policije)

Nadležnosti pomoćnika šefa Policije su da:

- a) koordinira sa zamjenikom, poslovima Policije na operativnom nivou;
- b) pomaže šefu Policije u izvršenju nadležnosti iz člana 22 stava 1 ovog zakona;
- c) zamjenjuje šefa Policije u vrijeme njegove odsutnosti, na osnovu pisanog ovlaštenja šefa Policije, vršeci poslove iz člana 22 stava 1 ovog Zakona;
- d) utvrđuje neusklađenost podzakonskih i opštih akata Policije, o čemu odmah obavještava šefa Policije.

Član 5

U članu 31 stavu 2 riječi „četiri godine“ zamjenjuju se riječima „pet godina“.

Iza stava 5 dodaju se novi stavovi 6 i 7 koji glase:

(6) Prvo imenovanje za člana Nezavisnog odbora je vremenski period u kojem je član Nezavisnog odbora prvi put imenovan na period od pet godina, u skladu sa ovim zakonom.

(7) Drugo imenovanje za člana Nezavisnog odbora je vremenski period u kojem je član Nezavisnog odbora drugi put, uzastopno, imenovan na period od pet godina, u skladu sa ovim zakonom.,,

Član 6

U članu 47 stavu 6 riječ „četiri“ zamjenjuje se riječju „pet“.

Iza stava 6 dodaju se novi stavovi 7 i 8 koji glase:

„(7) Prvi mandat je vremenski period u kojem je šef Policije ili zamjenik prvi put imenovan na mandat u trajanju od pet godina, u skladu sa ovim zakonom.

„(8) Drugi mandat je vremenski period u kojem je šef Policije ili zamjenik drugi put imenovan na mandat u trajanju od pet godina, u skladu s ovim zakonom.“

Član 7

U članu 61 stavu 1 riječi „državni službenici i namještenici“ zamjenjuju se riječima „državni službenici, namještenici i lice imenovano na radnom mjestu vezanom za mandat šefa Policije.“.

U stavu 2 istog člana, riječi „državnih službenika i namještenika“ zamjenjuju se riječima „državnih službenika, namještenika i lica imenovanog na radnom mjestu vezanom za mandat šefa Policije“.

Član 8

Član 63 mijenja se i glasi:

„Član 63

(Prava i obaveze državnih službenika, namještenika i glavnog savjetnika)

(1) Na prava i obaveze iz radnog odnosa državnih službenika i namještenika supsidijarno se primjenjuju odredbe Zakona o državnoj službi u organima javne uprave Brčko distrikta Bosne i Hercegovine.

(2) Odredbe Zakona o državnoj službi u organima javne uprave Brčko distrikta Bosne i Hercegovine koje se odnose na platu, godišnji odmor, plaćeno i neplaćeno odsustvo i druge materijalne naknade u skladu s posebnim propisima, primjenjuju se na glavnog savjetnika.“

Član 9

Član 78 mijenja se i glasi:

„Član 78

(Status Nezavisnog odbora)

(1) Stupanjem na snagu ovog zakona, članovi Nezavisnog odbora imenovani u skladu s propisima koji su bili na snazi prije stupanja na snagu ovog zakona, ostaju članovi Nezavisnog odbora i smatrat će se da su prvi put imenovani za člana Nezavisnog odbora.

(2) Prvo imenovanje za člana Nezavisnog odbora iz stava 1 ovog člana, je period od pet godina od stupanja na snagu ovog zakona.,,

Član 10

Član 79 mijenja se i glasi:

„Član 79

(Status imenovanih policijskih službenika)

(1) Stupanjem na snagu ovog zakona, gradonačelnik u roku od osam dana odlukom imenuje šefa Policije i zamjenika.

(2) Odlukom iz stava 1 ovog člana se konstatuju činjenice i utvrđuje tačan datum započinjanja mandata šefa Policije i zamjenika, u skladu s ovim zakonom.

(3) Za zamjenika iz stava 1 ovog člana, imenuje se policijski službenik koji se danom stupanja na snagu ovog zakona, nalazi na poziciji zamjenika.

(4) Odlukom iz stava 1 ovog člana, zamjenik se imenuje na mandat u trajanju od pet godina.

(5) Za šefa Policije iz stava 1 ovog člana, imenuje se policijski službenik koji se danom stupanja na snagu ovog zakona, nalazi na poziciji šefa Policije.

(6) Protekom šest mjeseci od dana započinjanja mandata zamjenika, započinje mandat šefa Policije u trajanju od pet godina.

(7) Donošenjem odluke iz stava 1 ovog člana, smatra se da su šef Policije i zamjenik započeli prvi mandat iz člana 47 stava 7 ovog zakona.

(8) Šef Policije i zamjenik koji su imenovani u skladu s propisima koji su bili na snazi prije stupanja na snagu ovog zakona, ostaju na tim pozicijama do donošenja odluke iz stava 1 ovog člana, odnosno do dana započinjanja mandata utvrđenog odlukom iz stava 1 ovog člana kada i započinju prvi mandat.“

Član 11

(Usklađivanje Pravilnika o unutrašnjoj organizaciji)

U roku od šest mjeseci od stupanja na snagu ovog zakona, šef Policije će uskladiti Pravilnik o unutrašnjoj organizaciji sa ovim zakonom.

Član 12

(Stupanje na snagu)

Ovaj zakon stupa na snagu osmog dana od dana objavljivanja u Službenom glasniku Brčko distrikta Bosne i Hercegovine.

Broj: 01-02-1057/20
Brčko, 28. 10. 2020. godine

PREDSJEDNIK
SKUPŠTINE BRČKO DISTRIKTA BiH

Esed Kadrić